

L'app da mobile banking da la BCG – da nov anc pli simpla e survesaivla

■ (cp) La Banca Chantunala Grischuna (BCG) ha simplifitgà sia app da mobile banking e l'enrìtgì cun funcziuns nizzaivlas. Las novaziuns cumpiglian ina pagina inziala ch'ins po crear a moda persunala ed in login facil a maun da l'impronta dal det. Plinavant han ins integrà en l'app publicaziuns interessantas en connex cun la banca ed il chantun Grischun.

Las utilisadras ed ils utilisaders dad iOS e d'Android pon sa colliar da nov cun l'app da mobile banking da la BCG cun l'impronta dal det (Touch-ID). L'annunzia daventa uschia pli simpla e pli sperta, entant che la segirezza resta cun il nov proceder da login tuttina auta sco avant.

En pli han ins surlavurà complettamain la pagina inziala da l'app e la fatg pli survesaivla. Las funcziuns las pli im-



purtantas pon ins uss ordinar individu- almain tenor ils basegns persunals e las clamar si pli spert. Sco ulteriur servetsch han ins integrà en l'app da mobile banking da la BCG differentas publicaziuns davart il chantun Grischun e la BCG. Latiers tutgan la brochura da statistica «Graubünden in Zahlen», il rapport annual da la BCG ed ils flyers cun ils quints annuals ed ils rendaquints semestrils.

Las pussaivladads d'enfin ussa da l'app restan nunmidadas. Quellas cumpiglian in scanner per pajair quints a moda sperta e simpla, ina funcziun per transferir daners d'in conto a l'auter u per surdar incumbensas da vaglias. L'app gratuita ed ulteriuras infurmaziuns stattan a disposiziun sut gkb.ch/mobile. Qua pudais Vus guardar il video da demonstraziun.